

DISSERTATIO JURIDICA INAUGURALIS, 27.^{do}
DE

LEGATO REI PROPRIÆ ET ALIENÆ,

QVAM
DIVINI NUMINIS AUSPICIO
EX DECRETO ET AUTORITATE
MAGNIFICI JCTORUM ORDINIS
IN ILLUSTRIS VIADRINA,
PRÆSIDE

DN. HENRICO COCCEJO,

JURISCONSULTO,
CONSILIARIO S. REGIÆ MAJESTATIS IN BORUSSIA;
FACULTATIS JURIDICÆ ORDINARIO, PROFESS. PRIMARIO,
& h. t. FACULT. JURID. DECANO,
SERENISS. ET POTENTISS. REGI IN BORUSSIA
AB AULÆ REGIÆ CONSILIIIS,

ANTEA
SUMMI CONSILII STATUS ELECTORALIS PALATINI
ET COLLEGII REVISORII ASSESSORE, IN ALMA HEIDEL-
BERGENSI DECRETAL. PANDECT. ET JURISGENT.
PROF. PUBL. ORDIN. MERITISSIMO,
DN. PATRŌNO ac PROMOTORE SUO OMNI HONORIS & OBSER-
VANTIÆ CULTU ÆTERNUM DEVENERANDO,
PRO LICENTIA

SUMMOS IN UTROQ; JURE HONORES ac PRIVILEGIA
rite consequendi

Die XI. Junii An. MDCCI, Horis ante- & Pomeridianis,
Publico Eruditorum Examini offert

VICTOR JOHANN KOTHE, BERNBURGO-ANHALTIN.

AUTOR.

Francofurti ad Viadrum, Literis Christophori Zeitleri.





J. N. J.

DISSERTATIO

De

LEGATO REI PRO-
PRIÆ ET ALIENÆ,

CAPUT I.

De Legato Rei Proprie.

§. I.



Ntequam legato rei
alienæ Jus aliquod aut
vim Juris tribuamus, di-
scutienda erunt præviè
dubia haud contemnenda,
quibus ipsa rerum
etiam propriarum lega-
ta destrui posse videntur.
Placuit quidem Modestino
vulgo nota illa Legati
definitio, quod sit do-

natio Testamento relicta, L. 36. ff. de Legat. 2. Quem
sequitur Justinianus, latius insuper voluntatem de-

A 2

functi

functi extendens, dum fideicommissa non in Testamento solum, sed & quâvis ultimâ voluntate relicta legatis comparat, & pariter rata esse jubet §. 3. *Instit. de Legat.* etsi olim legata in solis Codicillis testamento firmatis valerent, *L. 8. §. ult. de Legat.* Arramen ab intestato relinqui posse non obscure colligi potest ex §. 10. *Instit. de Fideic. Har.* quanquam quod extra testamentum relinquitur tantum in vim fideicommissi valeat. Propriè vero donatio dici nequit, cum hæc non dantis tantum, sed & donatarii in acceptando voluntate perficiatur, *L. 55. ff. de O. & A.* vivoque donatore acceptatio fieri debeat. ante quam nulla adhuc contracta videtur obligatio: *L. 4. §. 10. ff. de Donat.* idque Juri N. G. & Civili congruum esse ostenditur à Grot. *L. 2. c. 11. §. 14.* Plenior autem & explicatio est *Florentini Jcti* definitio, quod sit *delibatio quedam hereditatis, quâ Testator ex eo quod univ-
sum heredis foret, alicui quid collatum velit.* *L. 116. ff. de Legat. 1.* Donationis itaque Titulo legatarius rem etiam propriam defuncti non acquirit, ob necessari-um utriusque voluntatis concursum in donationibus tam inter vivos quàm mortis causâ. *L. 8. §. 3. ff. de bonis que liberis.* Deest itaq; ratione Juris ad rem declaratio voluntatis acceptandi in donatario, Grot. *L. 2. c. 6. §. 2.* ratione Juris in re traditio & occupatio, cum rerum naturalium dominia ex possessione cœperint. *L. 1. §. dominium. ff. de Acquir. Poss.* Equidem Grotius traditionem Juris Civilis tantum commentum esse putat, *d. l. §. 1.* Verùm in eo labitur quàm maximè: & Jure N. vel traditio requiritur vel actus externus ei similis, relicta nimirum vacua rei possessio, hæc additâ declaratione, ut eam Sempronius occupet &c.

Hoc

Hoc verò absente, ejus nomine alius quoque occurrere potest.

§. II.

Est verò acceptationis in donationibus inter vivos tanta necessitas, ut etiam vivo donatore eam donatarius impleverit necesse sit, *L. 2. §. 6. ff. h. t. Conf. Grot. L. 2. c. 6. §. 2.* Acceptatio verò plena requiritur donatarii, talis nimirum, ut ipsi us quoque acceptandi competat, quæ tunc demum vim suam habet, si à parte suâ donatarius impleverit negotium, conditionem forte. *arg. Aut. sed quæ C. de Pactis dotal.* Imò neque traditio donatoris Jus donatario confert ante impletam conditionem, ut patebit ex sequenti casu: Titius Sempronio Sponso rem tradit, hâc annexâ conditione, ut securis nuptiis res dotalis efficiatur. Moritur mox Donator Titius ante Sempronii nuptias; post mortem sequuntur nuptiæ, quaeritur an novo huic marito acquiritur sit dominium? Negatur illud stricto Jure, *L. 9. §. si res. 1. ff. de Jure dot.* ex hâc quidem ratione, quod Jus acceptandi animo domini Sempronius nondum habuerit, ex quo conditionem nondum implevit; donator enim non eo animo dederat Sempronio, ut statim fieret dominus, sed ut securis nuptiis. *arg. d. l. 9. princ. l. 1. §. 2. ff. Pro dot.* Hâc itaque conditione vivo donatore impletâ, traditio tunc demum ex titulo (nimirum ut securis nuptiis res dotalis fieret) facta, verum dominium producit. Conditione autem mortuo donatore impletâ, ubi jam hæredis cæpit esse dominium, nec donator, jam mortuus transferre dominium potest, nec heres ad transferendum invitatus adigi *d. §. 1.* At manet scrupulus, nec eximitur

tur à Dd. cur heres non teneatur præstare factum defuncti, ut aliàs; ersi enim conditio adjecta fuerit, eaque pendente donator decesserit, certū tamen est, existente deinde conditione teneri heredem. Vera ejus ratio est, quòd negotium in *d. §. 1.* cœperit à re & traditione ac contractu innominato; eoque quousq; causa secuta nondum fuit, negotium imperfectum, & pœnitentiæ locus est, nec obligatio inde nascitur. Potuit igitur & heres causa nondum secuta pœnitere, quicquid dissentiat Dn. Struv. *Exerc. 18. thes. 16. eumque secutus* Dn. Lauterb. *ff. de Cond. caus. dat.* Cæterum his non obstant *L. 48. §. 1. ff. de Jure dot. & L. 71. §. 3. ff. de Condit. & demonstrat.* quæ ultimâ etiam voluntate dotem relinqui posse decidunt. Nam dispositiones ultimæ unius voluntate quoque subsistunt, sed in actibus inter vivos requiritur, ut utriusque voluntatis concursus appareat. Aliter conciliat *alleg. L. 9. ff. de Jure dot.* Strauch. *diff. 3. §. 10.* tandemque subjicit, dotis favorem omnino obtinuisse contra stricti Juris rationem, & ita rectè secundum d. Legem ipsam. Nec id nos movet, quod à Justiniano contra Juris veteris rationem introductum esse dicitur in *L. un. C. ut actiones ab hered. & contra hered.* Agitur enim ibi de casu, quo post mortem alicui quid legatum vel promissum fuerat, quod olim non transiit ad heredes, hodie transiit. *§. pen. Inst. de Legat.* Prægnantior verò ratio est, si donatarius præmoriatur, cum hic planè acceptare amplius non possit, *L. 10. ff. b. 1.* ante verò acceptans impediatur morte implere conditionem. Si verò pacto vel contractu nominato dos constituitur sub conditione, *secutis nuptiis*, constat planè, & heredem teneri. Nedum si Pater do-

tem

* (7.) *

tem filia certam promiserit, & nuptiis filia nondum secutis moriatur, hæres eam revocare non potest, cum Patrem officii quoque necessitas ad constituendam dotem obliget. Decius *Conf. 35. n. 10.* Favor verò dotis tantus est, ut non conditio ex pœnitentiâ detur ad repetendam rem, quæ dotalis demum efficeretur nuptiis secutis, si contractu innominato fiat, in quo pœnitentiæ locus est; etsi contrarium statuat Covarr. *L. 1. Ref. c. 14. n. 15.* & Dn. Brunnem. *ad d. l. 9. n. 1. per l. 10. ff. de Sponsal.* Sed textus iste de patre loquitur, quem obligatum esse diximus; at *d. l. 9. §. 1. de extraneo.*

§. III.

Hæc verò jam ostensâ acceptationis necessitate, quo Jure ergo jam Legatarius rem defuncti propriam ab ipso relictam acquireret? Est hæc de scripto vel nuncupato hærede vel legatario quæstio, an citra acceptationem Jus illi quæsitum sit, Naturali nimirum Jure? Neg. Non Jus in re, ob defectum acceptationis, tum (1.) quia à Testatore post mortem tradi nequit, (2.) ipsumque dominium per mortem Testatoris jam discescit à Testatore, (3.) fieretque occupantis, cui, ut novo domino, invito res auferri nequit. Neque Jus ad rem, ob eundem defectum acceptationis, quæ vivente & sciente altero fieri, & utriusque consensus concurrere debet.

§. IV.

Contrarium adstruunt Faber *L. 8. Con. 8. §. decis. 45. err. 3 n. 3.* Huber. *Disp. 52. §. 2.* Jure tamen Gentium ex ratione custodiæ societatis humanæ, quæ Juri Naturali consentanea sit. Constantinus Imperator, *Nihil esse, ait, quod magis hominibus debeatur, quam ut su-*
premiæ

premiæ voluntatis, postquam aliud velle non possunt, liber sit stylus & licitum quod iterum non redit arbitrium L. i. C. de SS. Ecclesiis. Eandem rationem custodiæ societatis humanæ sepulturarum religionem inter Gentes introduxisse vult Grotius *L. 2. c. 19.* cum Gentes id severè custodiant, quod omnes ac singuli homines etiam post mortem suam custoditum volunt, ut sunt sepultura, Testamentorum observatio &c. Omnibus enim ac singulis hominibus inest istarum rerum servandarum quædam sanctimonia. Addunt, quòd societas humana vel Civitas sustineat personam Legatarii, cujus nomine acceptat (1) ratione defuncti domini, cujus rem suam in alium transferentis voluntatem ratam esse vult. §. 41. *Inst. de A. R. D.* (2) ratione Legatarii, ne istius absentia ipsi damno sit, futura aliàs omnibus ac singulis ob eandem causam, si absentium bona vel jura negligerentur. De Gentium moribus ac Jure vid. Grot. *L. 2. c. 6. §. ult.* Quæ verò de Solonis aliorumq; Legibus in contrariū adferuntur à Bodino *L. 5. de Rep. c. 2.* ea non tollunt libertatem testandi sed restringunt, cum proximis cognatis relinquere volunt bona v. gr. immobilia; quo ad familiarum conservationem respexerunt. Germani vero nulla Testamenta condebant sed liberis, iisq; deficientibus, proximis sanguine relinquebant bona sua *Tac. de M. G. c. 20.* Cæterū hæc ita ex vulgata Grotii & Dd. opinione; aliàs enim, num custodia societatis humanæ sufficiat his juribus, & imprimis obligationi introducendæ, meritò sanè ambigitur, nihilque certius est, quàm obligationem in universum genus humanum inde inferri ac ostendi non posse.

* (9.) *

§. V.

Juri itaq; positivo, quod vocant, hæc potestas testandi legandiq; tam benè ordinata merito tribuitur, *L. 3. ff. qui Testam. facer. poss. L. 120. & 130. ff. de V. S.* cum explicuerit & auxerit hanc juris communis partem, & prospexerit, ne Testator in anxietate moretetur, neve hæres vel legatarius viveret in pauperate. Quemadmodum & Jus Patriæ Potestatis Juris Civilis esse dicitur, §. 2. *Inst. de Patr. Potest.* cum ipsa potestas tamen ex Jure N. fluat. Debetur ergo reverentia Juri Civili Romano certum quid definienti interque alias Leges illi ex LL. XII. Tab. depromptæ, quæ in *L. 120. ff. de V. S.* radiat. Verbis Legis XII. Tabul. his, uti legâsset suæ rei, ita jus est, latissima potestas tributa videtur & legata & libertates dandi, tutelas quoque constituendi. Acquisitio legati verò etiam absenti tribuitur Jure Civili, quo dominium in ipsum ignorantem etiam transit, non quidem solâ fictione quâdam Juris, quâ acceptatio intelligitur facta in favorem hæredis, ut vult Puff. *L. 4. c. 9. §. 2.* nec quod civitates repræsentent personas privatorum in nonnullis casibus; (illæ enim repræsentationes mera sunt figmenta, quæ jus naturale nunquam, jus civile verò non nisi lege fictio introducta sit, faciunt) sed ex potestate legis, quæ civiles dominii effectus, v.g. rei vindicationes legatario tribuit, etsi nondum tradita ipsi res fuerit.

§. VI.

Hæredes ab intestato, (Legata enim solo testamento relinqui possunt, ab intestato seu Codicillis relicta non nisi in vim fideicommissi valent) duplicis generis sunt, vel sui, ut liberi, qui initiatâ quasi jam

B

pos.

possessione gaudent. & mortuo Patre non tam acquirunt hæreditatem adeundo, sed sele immittent exercendo dominium, quod habere jam dicuntur vivis parentibus, *L. 11. ff. de lib. & post.* Extraneorum nomine omnes ascendentes & collaterales in Jure audiunt, cujuscunque sint gradus, nec fratribus exclusis. His equidem Jus N. & Gentium nihil tribuit, sed pinguius quoddam jus à Jure Civ. vel alio statuario nacti sunt, non refragante Jure N. quo si cognatio Naturalis inter omnes homines lætionis prohibita argumentum est justicum, *L. 3. ff. de J. & J.* suaviorum certe erit, ut proximi sanguine remotioribus in commodis percipiendis, adeoque in ipsa hæreditate acquirendâ præferantur.

§. VII.

Pater hinc, quàm difficilis J. N. rei quoq; propriæ à defuncto relicta acquisitio reddatur, & quâ ratione nitatur Juris G. & Civilis dispositio. Nunc inquirendum in rei alienæ legatum, cujus vim si asseramus, de alieno sumus futuri liberales; si verò impugnemus, in Testatoris voluntatem, spemq; legatarii injurii fortè videbimur. Medio ergo tutissimi ibimus rem ipsam aggressuri.

CAPUT II.

De Legato Rei Alienæ.

§. I

Ostendimus, quàm difficilis futura fuisset rei propriæ per legatum alienatio, nisi Juris Gentium secundarii LLque Civilium providentia, illi plenissimum robur addidisset. Alienæ ergo rei
lega-

* (II.) *

legatum primo conspectu non difficile modò sed prope impossibile videri posset. Opponi sibi invicem, *alienum & proprium* in Jure nostro, patet ex *L. 21. C. de Condit. Inst. & aliis infinitis legibus collectis à Brissonio de Verb. Signif. ad voc. Alienum*. Alienum verò est, quod alterius dominio vel juri subjectum est, dispositioni verò atque alienationi nostræ subjectum non est, *L. 1. C. de fundo dotali*. Rei itaque alienæ legata omni jure illicita videntur, cum sub hoc alienationis genere Testamenta quoque & Codicilli comprehendantur.

§. II.

Vario autem sensu Res in Jure Alienæ dicuntur; Et quidem naturâ suâ, quæcunque non sunt nostræ, & inprimis ergo, quæ ita sunt exemptæ commercii privatorum, ut nullo, ne justissimo quidem titulo à privatis acquiri possint, adeò ut nec æstimationi locus relinqui posse videatur. Ejus generis sunt (1.) *Res sacre*, quæ per legatum alienari minimè possunt, arg. *§. 8. Instit. de R. D.* si ve sciverit testator, rem fuisse sacram, si ve ignoraverit. Sciens enim rem sacram, eandemque legans, furioso similis est, nec pro sciente admitti potest, cum furiosi nihil scire, nihil intelligere, nihil vel adeoque nec consentire præsumantur, absentibusq; & ideò ignorantibus comparentur, *L. 2. §. ult. ff. de Jure Codic. L. 16. §. 2. ff. de damn. infect. L. 5. l. 40. ff. de R. J.* Scire verò rem esse sacram, & ignorare, eandem esse extra commercium positam, furoris seu turbatæ mentis indicium est. Est enim ignorantia Juris Universalis, quæ neminem excusat, ne mulieres quidem aut milites, *L. 38. §. 2. ff. ad L. Jul. de Adult. L. 2. C. de in jus voc.* Neque favor ultimarum voluntatum tantus esse

esse debet, ut Juri aperto derogari possit, cum testamenta secundum, non verò contra leges ipsamque sanam rationem condi debeant. Eadem ratio movit Jctos, ut testamenta inofficiosa querelæ remedio rescindi possent, neque legata in iis relicta deberi deciderint, quod quasi à furioso facta censeantur, *L. 36. ff. de Legat. 3. L. 8. §. pen. ff. de inoff. test. (quamvis id mutatum videatur per Aut. ex causâ C. de Liber. prater. & Nov. 115.)* Non eum tuebitur ignorantia affectata, quæ deperditi hominis esse dicitur in *L. 3. ff. de f. & f. ignor.* indigni certè, qui, re sacrâ irreverentius à se habitâ, favore ultimæ voluntatis gaudeat. Minimè verò placet Peregrini de Fideic. *art. 11. n. 101.* adjecta limitatio, nisi testator in specie æstimationem expresserit; Nam talia adjiciens testator, aut furorem aut contemptum rei sacræ prodit. Furor certè est, rem talem legare, quæ ab herede penitus redimi nequit, quo fine aliàs legata rei alienæ relinqui solent; Furoris verò maxima audacia, rem sacram velle usibus sacris exemptam haberi. Placet quidem Doctoribus alia limitationis species, in casu, quo res sacra per universitatem legari potest; Non id aversum Juri. Verùm nec tunc res sacra legatur, quæ neque à Domino ipso Prædii Jus Patronatus habente legari potest, & hinc nec æstimatio rei sacræ ut templi, calicis &c. debetur; Jus verò circa rem sacram Domino prædii competens, quod Jus Patronatus vulgò, directè legari posse concedimus, *arg. l. 14. C. de Legat.*

§. III.

Res religiosæ Communi Jure pariter ita sunt exemptæ commerciis privatorum, ut legari ne utiquam possint, *t. t. ff. de mortuo infer. & §. 9. Instit. de R. Div.*

R. Div. nimirum eâ libertate, ut ad profanos usus converti possint, jus verò ipsum mortuum inferendi legari cum possit *L. 14. C. de Legat.* nihil obstat, quominus æstimatio peti possit, quâ aliud fortè monumentum extrui vel comparari possit. Hostile verò sepulcrum licitè alienari posse videtur, cum Jure Civili religiosum non sit, *L. 4. ff. de Sepulchr. viol. l. 36. ff. de Relig.* Durum id sanè & Juri Gentium adversum, si de ipso cadavere sepulto id quoque accipias, nec extrinsecam ejus structuram, vel potius voce sepulchri monumentum illud superius sepulchro superstructum intellexeris, quod proculdubio JCtus etiam intellexisse videtur, cum lapides inde sublatis in quemlibet usum converti posse statuatur d. l. Monumentum ergò hostile citra injuriam rectè demoliri potest, cum religiosum, ut diximus, non sit. & in hostem hostilia liceant; Quod si separatum sit monumentum à sepulcro, vel cenotaphium, vel statua monumento imposita, nihil horum religiosum erit etiam inter amicos. Et hinc in *L. 27. ff. de Injuriis.* idem JCtus Paulus contra eum, qui statuam in monumento destruxerit, *injuriarum*, non verò *sepulchri violati* agi posse, decernit. Ipsum ergò sepulchrum hostile etsi religiosum non sit, illatum tamen ei cadaver humanum Jure G. violationi exemptum est, ob illam quæ etiam cum hoste nobis intercedit, naturalis cognationis necessitudinem, demonstrante id fusius Grotio *L. 2 c. 19. §. 3.* neque id Jure Civili mutari potuisset; cum in mortuos bellum geri nequeat. Sed & ipsum sepulchrum hostile, etsi Religiosum esse desinat, pium tamen humanumque est, intactum illud relinqui. Nam & loca sacra ab hoste occupata desinunt esse sacra, d. l. 36. ff. de Relig. tamen inter

inter Gentiles quoque fuere, & generosiores maxime Duces, qui ab iis religiose abstinuerunt. Vid. Grot. de J. B. & P. lib. 3. cap. 12. §. 6. & seqq. Inter Christianos veriores quoque; ab hæreticis &c. consecrata sacra sunt, Reink. de Reg. Secul. & Eccl. L. 3. class. 1. c. 3. n. 15. Wefenb. Conc. 37. n. 8. Jure Canonico certè, si hostium Christiani nominis sepulchra violari prohibentur, c. 9. x. de Jud. & Cel. cur hostium Christianorum sepulchra libidini exponi debeant, cum morte ipsa hostes esse desierint, & ultranocere non possint. Hinc etiam in Jure cautum, ne Christiani Judæis vel Paganis quietè viventibus vim inferant, L. 6. C. de Pagan. & Sacrif. Quis verò quietius hoste sepulto?

§. IV.

Rerum Ecclesiasticarum alienatio cum facilius admittatur, certis tamen casibus quos vid. L. 21. C. de SS. Ecclesiis. Nov. 120. c. 10. can. aurum. C. 12. qu. 3. talis reilegata æstimationem facilius etiam adimitimus cum Peregrino d. l. n. 107. Conf. Mantica de Conject. ult. vol. L. 9. tit. 11. Non enim sunt omnino extra commercium, sed tantum majori alienatio ipsarum adstricta est difficultate. Neque sunt Jure Divino aut Gentium inalienabiles, ut illæ quæ nec immemoriali præscriptione acquiri possunt, §. 4. Inst. & 45. ff. de usurp. & Usucap. cum rebus Ecclesiasticis immobilibus etiam XL. Annis præscribi posse constet ex L. 23. C. de SS. Eccl. Nov. 111. c. 1. Nov. 113. cap. 6. x. de Prescript. Carpzov. P. 2. Const. 5.

§. V.

Publicæ res distinguendæ sunt, an omnimodo sint in commercio, nec ne. Eæ, quæ plane extra commercium privatorum sunt, cum nec à Principe alienari possint,

sint, (ut sunt Regna, Principatus, Bona Domanialia, Conf. Grot. *L. 2. c. 6. §. 11.*) nec etiam earundem æstimatio deberur, sive per actum inter vivos sive inter mortuos seu ultimâ voluntate alienentur, etiamsi juramento Principis confirmata fuerit alienatio, *c. intellecto 33. X. de Jurejur.* imo et si Statuum & Ordinum Regi accesserit consensu: nam Successoritamē revocandi bona facultas adimi minimè potest, cum Jus hoc toti Familiæ Regiæ ex primâ Regni delatione acquisitum sit. Joann. de Prohib. rer. alien. *c. 63. §. 4.* quamquam aliund velic Grot. *L. 3. c. 20. §. 5. n. 4.* Huic fundamento innititur pars illa Recessus Provinc. March. d. A. 1550. quâ cautum; Das alsdenn solches an Ihm selbst nichtig und unkräftig seyn/und dieselben der Wiederbezahlung von unser Herrschafft oder Landschafft nicht wieder gewarten/sondern des Geldes üd was Sie darauff und anerlanget möchten haben/verlustig seyn / auch was sie dessen genossen/ ohne einigen Behelff oder Einrede / wie die auch seyn möchten / vermittelst Ihrer Cörperlichen Ende/wieder zu berechnen und zweyfältig zu erstatten auch wieder abzutreten schuldig seyn. Conf. B. Brunn. *Conf. 1. tot. & Illust. Dn. Stryck. de Cautel. Contract. §. 1. c. 3. §. 13.* Sed jam de iis rebus publicis, quæ quidem & ipsæ commerciis privatorum exemptæ sunt, sed consensu Principis vel Civitatis vel eorum quorum interest, alienari possunt. Nec harum igitur æstimatio Jure deberur, si legatæ à privato fuerint, cum nec usucapi possint. *L. 39. §. 8. & seqq. ff. de Legat. 1.* Huc referenda etiam Regalia Minora, ut sunt Jus venandi, immunitas ab exactionibus publici, quæ immemoriali tempore præscribi possunt, *L. 4. & 6. C. de Præscript. 30. Ann.* Multo minus verò Regalia Majora præscriptioni ob-

niobnoxia facimus, cum sint extra commercium; nisi immemorialis præscriptio sit, quæ ubique excipienda est. Richter. *L. i. dec. 21. n. 52.* Brunn. *qu. 16. ff. de Usurp. & Usucap. Struv. S. J. C. Ex. 43. §. 24.* Exceptiones quidem duas alias suggerit Gonz. in *Comment. add. c. intellecto Vol. 2. p. 613.* quarum primam admittimus, extremæ nimirum necessitatis, belli finiendi causâ; alteram, quâ donationes Domaniorum Ecclesiæ factas legitimat, meritò rejicimus. Hâc ergo distinctione observatâ inter res aliquatenus in commercio & planè extra illud positas, facilis de reliquis publicis rebus promptaq; fluet decisio.

§. VI.

Sunt porrò Res non naturâ suâ sed certarum personarum respectu extra commercium. Ponam⁹ E. (1) casum respectu utriusq; personæ, mancipium Christianum à Judæo legatum esse alteri judæo. Hoc casu nullum esse legatum nec æstimationem ejus deberi constat ex ratione *Rubricæ C. Ne Christianum Mancipium judæus habeat vel possideat?* Cum enim neuter per leges habere ac possidere tale mancipium possit, totum negotium, quo contra leges id agitur, ut alter habeat, ipso jure nullum est; ex quo proinde neque res neq; rei æstimatio peti potest; cum ex negotio nullo nulla actio competat. Acceditq; tale legatum proxime ad Legata rei naturâ suâ commerciis hominum exempta, & est mancipium Christianum respectu Judæorum æque extra commercium, ac liber homo Christianus respectu reliquorum hominum, cum & liber homo usucapi non possit, *L. fin. C. de long. temp. præscript.* Gerhard. *de Usucap. c. 1. n. 9.*

§. VII.

Ast ubi (2) in alterutrius personâ commercium deficit, distinguendum, an in persona alienantis an acquirentis. *Alienantis* persona si commercium non habeat, videtur neq. subsistere negotium. Jure enim naturali requiritur in ipso (1.) jus alienandi, quod ipsi ex dominio competit. Grot. *L. 2. c. 6. §. 6.* (2.) Voluntas rem suam in alium transferendi §. 41. *Inst. de R. D.* (3.) plenius rationis usus, Grot. *L. 2. c. 2. §. 6.* (4.) translatio per actum externum declarata, Idem *c. 4. §. 3. & c. 11. §. 11.* In illis tamen negotiis, quibus id saltem agitur, ut alii habili res acquiratur, subsistit dispositio, & agi ex eâ potest etiam ad rem ipsam tradendam; si verò ea transferri non potest, hoc saltem effectu, ut in locum rei succedat æstimatio. Ratio consistit non in jure alienantis, quod nullum est; arg. *L. 5. C. de LLbus.* sed (1.) in eo, quod non agatur de re acquirenda ei qui traditurus est, & qui ministerium tantum præstat acquisitioni, sed alii, cujus est commercium. Finge, si tibi mancipium Christianum legatum à defuncto sit, cujus heres Judæus est; poterit ipse tibi mancipium tradere, etsi ipse acquirere nequeat; cum actus ille præstationis nudum ministerium sit. arg. §. 1. de *Legat. in verb. ab herede præstanda.* Sic & inter vivos si Judæus Christiano stipulanti promittat tale mancipium, valebit stipulatio, & tenebitur Judæus: etsi enim emere sibi non possit, tamen ministerio suo facere potest, ut Christianus habeat, præcio à Judæo solvendo. *l. 34. ff. de Verb. obl.* Neq; verò neganda sunt morituris communis juris beneficia, quæ viventibus conceduntur actus, nimirum animi liberalis, quo v. c. Judæus Christiano mancipi-

um Christianum citra injuriam Christianæ Religionis vel inter vivos vel inter mortuos donat. Homo enim est atq; adeo jurium humanorum capax. Cessat (2.) ratio legis *C. Ne Christ. Mancip. in L. ult. C. Theod. h. t. expressa* : *Nefas esse religiosissima mancipia impiissimorum inquinari dominio* : Transfertur enim servus Christianus, intercedente Judæi hæredis redemptione, à Christiano in Christianum. (3.) Ipse tandem legatarius capax cæterum privaretur jure lucrandi ex Testamento, nullâ suâ culpâ, solo legantis odio, si aut relegatâ aut rei legatæ æstimatione carere teneretur.

§. VIII.

In acceptante Legatario alia decisio, alia etiam decidendi ratio. Is enim, cui acquirendi facultas à Lege negata est, nihil acquirit. *§. 24. Inst. de Legat.* ne quidem si, incapax cum fuerit tempore conditi Testamenti, tempore mortis legantis capax factus fuerit, per *L. Catonianam, L. 1. ff. de Reg. Caton.* Distingui tamen debet (1.) an Legatarius commercio rei careat; an verò ob aliam causam re uti nequeat ve ejus possidendæ jus non habeat; de quo mox. Prior casu legatum adeo nullum est, ut nec benignâ Legis interpretatione favor ultimæ voluntatis locum obtineat. Neq; enim debet à Testatore in fraudem legis prohibentis quid constitui. Hinc si e contrario Christianum mancipium judæo, aut, ubi regnorum aut civitatum statutis peregrini fundos acquirere prohibentur, peregrino fundus legetur, ne quidem ejus æstimatio deberetur; cum enim legatum nullum sit, ex eo quod nullum est, nihil, adeoq; nec æstimatio peri, & nulla actio competere potest. *arg. l. 69. ff. de Verb.*

Verb. obl. l. 34. ff. eod. l. 49. §. 2. ff. de Legat. 2. Idemque planè adeò est, si per fideicommissum relinquatur quod in commercio fideicommissarii non est; eademque omnino ratione: idq; ex ipso textu, cui dissentientes innituntur, scil. ex *l. 40. ff. de Legat. 1.* induci potest. Variavit eà in re Dn. Struv. *Exerc. 35. th. 9.* & in prioribus editionibus statuit, æstimationem ex fideicommisso tali deberi, in sequentibus autem sententiam mutavit & correxit. Nimium autem hinc recessit Dn. Lauterb. *ad ff. pag. 512.* qui etiam ex legato tali æstimationem deberi existimat. Nec textus oppositi quicquam movent: quorum facilis est solutio, & manifesta sententia, quod non prioris generis, rerum scil. quæ in commercio legatarii vel fideicommissarii non sunt, exempla ibi reteruntur; sed posterioris, quando propter aliam causam fideicommissarius vel jus possidendæ rei non habet vel eà uti nequit; de quo agitur in *l. 114. §. 5. ff. de legat. 1.* dicitur enim disertissimè, licitè alicui aliquid relictum fuisse: id ergo utiq; non fuit extra commercium; sed qualitas corporis vel alia probabilis causa inutile reddit legatum, uti cum claudio militia cursoris, muto cantoris &c relinquitur: hoc enim legatum valet, nec jus impedimento est quò minùs valeat, sed qualitas personæ, quò minùs res ipsa usui ei sit: ergo, æstimatio saltem debetur. *d. §. 5.* Idem est, re alienâ relictâ; ejus enim possidendæ jus nemo alius nisi dominus habet; et legatum tamen valet, & si redimî nequeat, æstimatio saltem debebitur, de quo est *l. 40. ff. eod. tit.* ubi fideicommissarius habuit rei commercium, & apertè dicitur rem alienam, adeoq; alicujus, & proinde in commercio fuisse, sed legatarius,

qui tradere debuit, & cujus proinde ministerio saltem usus est testator, commercium ejus non habuit. Posteriori verò casu æstimationem lucratur Legatarius, *L. 40. & L. 114 ff. de Legat. 1* Hæc igitur talia sunt, quæ ob defectum certæ qualitatæ aliquem usu vel jure possidendi rem ipsam privant, non tamen eundem remouent à fruendâ Testatoris liberalitate, modò hæc alio quocunq; modo, salvis legibus, nedum adjuvantibus, impleri possit. Uti igitur leges hoc casu jus possidendi non habenti æstimationem præstari volunt, ita &, si cui feudum alienum tuerit legatum, æstimatio ejus debetur, *arg. L. 39 §. 7. ff. de Leg. 1*. Quod quia Jure Feudali non est correctum, juri communi erit standum. 2. *Feud. 1*. At si testator feudum suum antiquum alii legeret, putant, adeò non subsistere legatum, ut nec æstimatio debeat. *Strauch. Diff. 10. §. 3.* Ratio, quod non possit agnatis jus quæsitum afferri; & præcipuè, quod feudum non sit in commercio. *vid. Finckel. Diff. feud. 6. th. 7.* Verùm vix est, ut id concedi possit: sanè feudum antiquum esse in commercio extranei inde manifestum est, quia consensu domini & agnatorum in extraneum alienari potest; quæ autem in commercio alicujus non sunt, privatorum consensu neutrquam ei acquiri possunt, lege commercium prohibente. Plures casus de *Gerada, Emphiteusi, rebus hostium* eodem modo decidendi sunt, *vid. allegat. Autor.* De rebus hostium id addendum, quòd, si habeant postliminium, *L. 9. §. 98. ff. de Leg. 1*, aut quovis alio modo comparari possint ab hoste, negotium omnino valeat. Cæterum legatà re immobili peregrino, qui jus possidendi, prohibente fortè statuto, non habet, neque æstimatio debe-

debebitur. Sand. *L. 4. tit. 4. def. 4.* qui & eâ uritur ratione, quod ita eludatur vis statuti; sed inprimis alterâ, quod hæ res prohibente lege loci non sint in commercio peregrinorum, ut sup. dictum est.

§. IX.

Denique distingui solet, an Testator sciverit rem fuisse alienam, nec ne; Illo casu tantum valet legatum, eâ lege, ut hæres rem alienam redimat, si iusto pretio possit, *L. 14. ff. de Leg. 3.* aut præstet æstimationem, *§. 4. Inst. eod.* Scientiæ verò probatio incumbit legatario, *d. l. 14.* Posteriori verò casu nulum est legatum ab ignorante profectum, neq; quoad æstimationem, cum Testator non videatur velle nimis gravare hæredes suos. Rem suam verò legans, quam opinatur alienam, cum effectu legasse videtur. Ejus ratio in *§. 11. Instit. de Leg.* exponitur, quam quidem fugitivam esse vult Bachovius & eum secutus Vinnius, qui à nemine id antea observatum gloriantur; genuinam verò defendit Doctiss. Srauch. *all. l. 1.* & recte quidem; quanquam dubitem, num responsio ipsius scrupulum eximat, cum regerit, in casu *d. §. 11.* legatum rei alienæ non valuisse, quia non valet, nisi testator sciverit esse alienam; non autem scivisse alienam qui putavit esse suam. Econtrario enim dicendum videtur, si res aliena fuisset, verè scivisse rem esse alienam, & ita valuisse legatum; & sane, cum legaverit ut alienam, eâ mente fuisse, ut æstimatio præstaretur, quæ est ratio, cur re alienâ legatâ æstimatio debeat. Vera ergo solutio videtur, legatum quidem hoc etiam valuisse licet fuisset res aliena, magis tamen valere legatum rei propriæ adeoque plus omnino in veritate esse, cum res propria legatur, & putatur esse alienâ. Et dubitandi ratio

erat, anne error tamen impediret legatum; quod negatur, quia plus est in veritate quam opinione, quo casu error non nocet.

§. X.

Incredibilis igitur ignorantia juris est, quæ apprehenditur in Jure Can. *c. ult. X. de Testam.* ubi Pontifex invehitur in jus civile, quod legatum rei alienæ admiserit. Quasi vero Juris Autores voluerint, vi rem domino eripi; nec in vulgus notissimum sit, amicum amico, sponsum sponsæ solere promittere res quas non habet, sed quæ præcio demum comparandæ sunt. Ira enim testator donat amicis res, quæ non sunt in hereditate, sed precio demum comparandæ. Hic ergo legati sensus est, ut eò imposita heredi intelligatur comparandi necessitas, vel, si non possit, præstandæ æstimationis.

CAPUT III.

De

Legato Rei Communis.

§. I.

TRiti juris est, in legato rei communis tantum juris relictum, quantum ipse Testator habuit, non ergo tota res relicta communis, *L. 5. §. 2. §. l. 71. §. fin. ff. de Leg. 1. L. 30. §. 4. ff. de Leg. 3. L. 25. ff. de V. S.* Neque etiam partis alterius tanquam alienæ æstimatio præstanda, cum sufficiat quocunque modo impleram esse legantis voluntatem, ejusque commodum pervenisse ad legatarium, cui quidem succurrunt jura, modò ne nimium prægraveretur hæres, cui

cui in dubio potius quam Legatario voluntas Testatoris Legesque favent.

§. II.

Eadem ratio decidendi est in legato rei, in quâ Testator vel utile, vel directum tantum habuit dominium, quo casu, nisi de aliâ Testatoris voluntate constet, in dubio id videtur legatum, quod Testator ipse habuit, *arg. dd. ll.* Quod si rem, cujus usumfructum Testator habuit, legaverit, inutile est legatum, nec rei æstimatio debetur, cum ususfructus morte expiret: *L. 24. §. 1. ff. de Leg. 1.* etsi contrarium statuunt Zoëf. *ff. de legat. n. 32.* & Dn. Brunn. in *Parat. qu. 22. ff. de Leg. 1.* Si verò vivente Testatore consolidatum fuerit dominium, totum debetur, *L. 8. pr. ff. de Leg. 1.* adeò augmentum semper cedit lucro Legatarii. Ita arerà legatā debetur domus illi imposita, nisi appareat mutata Testatoris voluntas. *L. 44. §. 4. ff. de Leg. 1. L. 39. ff. de Leg. 2.* Decrementum verò rei legatæ modò hæredis, modò legatarii damno cedit, distinctione habitā inter diminutionem voluntariam & necessariam. Per voluntariam Testator videtur ademisse legatum, non verò per necessariam, *L. 11. §. 12. ff. de Leg. 3. L. 18. ff. de adim. & transf. Legat.* Si res casu diminuta, residuum debetur, nisi principale perierit, tunc unā extinguirur accesforiæ rei legatum, *L. 22. ff. de Leg. 1. L. 49. pr. ff. de Leg. 2. L. 2. ff. de pecul.*

§. III.

Ex eodem fundamento res Testatoris oppignorata luenda est ab hærede, & libera præstanda Legatario, modò Testator sciverit, rem hoc onere esse affectam, cujus rei probatio incumbit Legatario, *L. 57. ff. de Leg. 1.* Aliàs ignorans cum onere legasse præ-

* (24) *

præsumendus est, nisi favor sanguinis cognato relictum sine onere relictum velit, *L. 10. C. de Legat.*

§. IV.

Hi & similes casus cum ex præviâ rationum observatione decidi possint, & expediti juris sint, finem differtationi impono. Cæterum Lectoris benevoli benigno Judicio me, præsentemque hunc laborem brevi temporis spatio compilatum commendos.

S. D. G.



Aut 1318178